

古典小說 第三名 李杰  
個人簡介：臺灣大學歷史學系碩士班二年級

---

## 羈旅

三潭簑棹去，九陌笠鋤歸。

殘漏數不盡，懸珠霑客衣。

## 中興湖畔詠史

林蛙爭噪池鴨鳴，燕雀驚枝風滿亭。

暮雨瀟瀟拍岸柳，海棠逝水化浮萍。

## 秋思

重九尋三徑，風煙滿我衿。

秦皇休樹下，晉士醉花陰。<sup>1</sup>

少有懷橘意，老存嘗膾心。<sup>2</sup>

人情自懷土，常使賦秋吟。

---

<sup>1</sup> 《史記·秦始皇本記》：「乃遂上泰山，立石，封，祠祀。下，風雨暴至，休於樹下，因封其樹為五大夫。」

《宋書·隱逸傳》：「嘗九月九日無酒，出宅邊菊叢中坐久，值弘送酒至，即便就酌，醉而後歸。」

<sup>2</sup> 《三國志·吳書·陸績傳》：「績年六歲，於九江見袁術。術出橘，績懷三枚，去，拜辭墮地，術謂曰：『陸郎作賓客而懷橘乎？』績跪答曰：『欲歸遺母。』術大奇之。」

《晉書·張翰傳》：「翰因見秋風起，乃思吳中菰菜、蓴羹、鱸魚膾，曰：『人生貴得適志，何能羈宦數千里以要名爵乎！』遂命駕而歸。」

### 三臺 賞二零一煙火

晨看巍巍寶塔，夜觀爍爍琉璃。星耀千門萬戶，歲除春滿虹霓。

### 思帝鄉 冬別陸生友人二首

天晚涼，夜鴉號斷腸。酒盡燈殘猶醒，意迷茫。別後須傳尺素，  
莫相忘。漢水寬難渡，羨鴛鴦。

梅雪香，月寒穿鎖窗。瘦盡朱顏紅蠟，寸心傷。縱使龍梳鳳帶，  
懶新妝。雁陣和清淚，兩三行。<sup>3</sup>

### 八聲甘州 夢

散雪梅點水盪清波，錦鱗隱寒潮。漾湖心玉鏡，石階蘚綠，沉醉  
聽蛸。坐看鵲河玃，老樹蔽銀霄。倦了山林臥，歸思難消。古  
徑蒼煙拂袖，細雨愁千縷，颯踏溪橋。想朱樓玉影，素手撫琴簫。恨  
年流、幾番寒暑，久憶君、白髮已疎寥。如相見、且吟新曲，共伴松  
濤。

---

<sup>3</sup> 歐陽修〈南歌子〉：「鳳髻金泥帶，龍紋玉掌梳。」